

- ako mijenja vodni režim, oblik korita ili na bilo koji drugi način utiče na prirodni tok i odnose okruženja (član 13. alineja 8.);
- ako obavlja ostale aktivnosti koje mogu remetiti precizirane mjere zaštite po zaštićenim zonama, odnosno planskim dokumentom utvrđenu namjenu površina (član 13. alineja 9.).

Za prekršaje iz stava 1. ovog člana, bit će kažnjeno i odgovorno lice u pravnom licu novčanom kaznom u iznosu od 1.000,00 KM do 1.500,00 KM.

Za prekršaje iz stava 1. ovog člana, bit će kažnjeno i fizičko lice novčanom kaznom u iznosu od 200,00 KM do 500,00 KM".

#### Član 22.

Iza člana 25b. dodaje se novi član 25c. koji glasi:

#### "Član 25c.

Novčanom kaznom u iznosu od 5.000,00 KM do 10.000,00 KM bit će kažnjeno pravno lice:

- ako u zaštićenom prostoru prenamjeni ili dozvoli prenamjenu zemljišta koja nije u skladu sa Prostornim planom posebnih obilježja (član 19. stav 2.).

Za prekršaj iz stava 1. ovog člana, bit će kažnjeno i odgovorno lice u pravnom licu novčanom kaznom u iznosu od 1.000,00 KM do 2.000,00 KM".

#### Član 23.

Iza člana 25c. dodaje se novi član 25d. koji glasi:

#### "Član 25d.

Novčanom kaznom u iznosu od 5.000,00 KM do 10.000,00 KM biće kažnjeno pravno lice:

- ako u zaštićenom obuhvatu promjeni namjenu zemljišta utvrđenu planskim dokumentom (član 19. stav 2.).
- ako u zaštićenom obuhvatu promjeni strukturu površina u namjeni poljoprivredno zemljište (član 19. stav 3.).
- ako u šumskim ekosistemima koji pripadaju Zaštićenom području ne upravlja u skladu sa ovim Zakonom i odgovarajućim planskim dokumentom", (član 19. stav 4.).

Za prekršaj iz stava 1. ovog člana, bit će kažnjeno i odgovorno lice u pravnom licu novčanom kaznom u iznosu od 1.000,00 KM do 2.000,00 KM".

#### Član 24.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Zakona o proglašenju Zaštićenog pejzaža "Bijambare".

#### Član 25.

Ovaj Zakon stupi na snagu osmog dana od dana objavljivanja u "Službenim novinama Kantona Sarajevo".

Broj 01-02-30222/09  
29. decembra 2009. godine  
Sarajevo

Predsjedavajući  
Skupštine Kantona Sarajevo  
Dr. Denis Zvizdić, s. r.

Na osnovu člana 13. tačka c) i člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 30. stav (9) Zakona o zaštiti prirode ("Službene novine Federacije BiH, broj 33/03), Skupština Kantona Sarajevo na sjednici održanoj 29. decembra 2009. godine, donijela je

## ZAKON

### O IZMJENAMA I DOPUNAMA ZAKONA O PROGLAŠENJU SPOMENIKA PRIRODE "VRELO BOSNE"

#### Član 1.

U Zakonu o proglašenju Spomenika prirode "Vrelo Bosne" ("Službene novine Kantona Sarajevo", broj 16/06) član 1. mijenja se i glasi:

#### "Član 11.

U drugoj zaštićenoj zoni mjere zaštite obuhvaćaju prvenstveno očuvanje i zaštitu izvornog stanja, a odnose se na:

- Zabranu eksploatacije podzemnih vodnih resursa sa obaranjem podzemnih voda na nivo koji remeti prirodni hidrološki režim vrela i eko sistem vegetacije,
- Zabranu plovljenja i kupanja u vodotocima,
- Zabranu sječe šume, osim sanitarne,
- Zabranu odlaganja otpada, pijeska i šljunka u vodotoke i zemljište,
- Zabranu svakog drugog oblika korištenja prostora od strane posjetilaca, osim propisanih i na za to predviđenim i obilježenim mjestima,
- Zabranu motornog saobraćaja u području Rimskog mosta,
- Zabranu saobraćaja Malom i Velikom alejom, osim za biciklere i motorna vozila sa odobrenjem,
- Zabranu pristupa i pranje motornih vozila u riječnim koritima".

Iza stava (1) dodaje se novi stav (2) koji glasi:

(2) "U drugoj zaštićenoj zoni, osim mjera zaštite iz stava 1. ovog člana, primjenjuju se mjere zaštite predviđene drugim propisima".

#### Član 2.

U članu 13. riječ: "propisima" zamjenjuje se riječ: "odredbama".

#### Član 3.

U članu 15. stav (1) riječi: "povjerava se Javnoj ustanovi Spomenika prirode "Vrelo Bosne" zamjenjuje se riječima "vrši Kantonalna javna ustanova za zaštićena prirodna područja (u daljnjem tekstu: Ustanova)".

Stav (5) se briše.

Dosadašnji st. (6) i (7) postaju st. (5) i (6).

#### Član 4.

U članu 16. riječi: "član 10, 11. i 12. ovog zakona" brišu se.

#### Član 5.

U članu 22. riječi: "Uprava obezbjeđuje sredstva za obavljanje svojih djelatnosti iz slijedećih izvora" zamjenjuju se riječima: "Sredstva za obavljanje poslova zaštite obezbjeđuju se iz slijedećih izvora".

#### Član 6.

Član 23., briše se.

#### Član 7.

Član 24., briše se.

#### Član 8.

Član 25., briše se.

#### Član 9.

U članu 26. stav (2) iza riječi: "Ustanove" stavlja se tačka, a riječi: "Spomenika prirode Vrelo Bosne", brišu se.

Iza stava (2) dodaju se novi stavovi (3) i (4) koji glasi:

(3) "Ako nadzornik-čuvar prirode zatekne lice, koje vrši radnju suprotno odredbama ovog Zakona i propisima donesenim na osnovu njega, ima pravo zatražiti ličnu kartu ili drugu ispravu na osnovu koje može izvršiti identitet te osobe, te podnijeti prijavu ovlaštenom licu za pokretanje prekršajnog postupka".

(4) "Ovlaštenja nadzornika-čuvara prirode, izgled uniforme, te oblik i sadržaj legitimacije, bliže će se odrediti Pravilnikom, kojeg će donijeti ministar prostornog uređenja i zaštite okoliša Kantona Sarajevo u roku od 90 (devedeset) dana od ~~da~~ stupanja na snagu ovog Zakona".

U postojećem stavu (3) brišu se riječi: "stava (2)".  
Postojeći stav (3) postaje stav (5).

Član 10.

U članu 28. stav (1) iza tačke f) dodaju se riječi: "i odredbe člana 11. tačka a)."

Član 11.

U članu 29. stav (1) iza tačke m) dodaju se riječi: "i odredbi člana 11. tč. b), d), e) i g)"

Član 12.

U članu 30. stav (1) iza tačke s) dodaju se riječi: "i odredbi člana 11. tč. c) i h)".

Član 13.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Zakona o proglašenju Spomenika prirode "Vrelo Bosne".

Član 14.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-30223/09                      Predsjedavajući  
29. decembra 2009. godine      Skupštine Kantona Sarajevo  
Sarajevo                                      Dr. Denis Zvizdić, s. r.

Na osnovu člana 18.b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00,4/01 i 28/04), Skupština Kantona Sarajevo, na sjednici održanoj 29. decembra 2009. godine, donijela je

**ZAKON**

**O IZMJENAMA I DOPUNAMA ZAKONA O JAVNIM PRIZNANJIMA KANTONA SARAJEVO**

Član 1.

U članu 3. Zakona o javnim priznanjima Kantona Sarajevo ("Službene novine Kantona Sarajevo", broj 7/06 - Prečišćeni tekst i br. 9/06 i 12/06), stav 2. briše se.

Stav 3. postaje stav 2., mijenja se i glasi:

"Skupština proglašava Počasnim građaninom strane državljane koji su se istakli naročitim zaslugama u davanju podrške pravедnoj borbi za odbranu Sarajeva od agresije, unapređenju međunarodne saradnje, razvijanju međunarodnih međuljudskih odnosa, na načelima solidarnosti, demokratičnosti, humanosti i toleranciji među ljudima različite nacije, vjere, kulture i dr."

Stavovi 5. i 6. brišu se.

Član 2.

U članu 4. dodaje se novi stav 3., koji glasi:  
"Javno priznanje iz stava 1. ovog člana može se dodijeliti i posthumno."  
Dosadašnji stav 3. postaje stav 4.

Član 3.

Član 5. briše se.

Član 4.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o javnim priznanjima Kantona Sarajevo.

Član 5.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-30221/09                      Predsjedavajući  
29. decembra 2009. godine      Skupštine Kantona Sarajevo  
Sarajevo                                      Dr. Denis Zvizdić, s. r.

Na osnovu člana 18. tačka h) i člana 38. (3) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo na sjednici održanoj 29. decembra 2009. godine donijela je

**IZMJENE I DOPUNE**

**BUDŽETA KANTONA SARAJEVO ZA 2009. GODINU**

Član 1.

U Budžetu Kantona Sarajevo za 2009. godinu ("Službene novine Kantona Sarajevo", br. 10/09 i 23/09), član 1. mijenja se i glasi:

"Član 1.

Budžet Kantona Sarajevo za 2009. godinu iznosi 681.231.000 KM i sastoji se od:

|   |                    |
|---|--------------------|
|   | - KM               |
| <b>I PRIHODI I PRIMICI . . . . .</b>                    | <b>631.331.000</b> |
| 1. Prihodi . . . . .                                    | 624.004.800        |
| 2. Primici . . . . .                                    | 7.326.200          |
| <b>II RAČUN FINANSIRANJA - DEFICIT</b>                  |                    |
| Podrška nižim nivoima vlasti iz sredstava IMF-a         | 49.900.000         |
| <b>UKUPNO PRIHODI, PRIMICI I FINANSIRANJE . . . . .</b> | <b>681.231.000</b> |
| <b>RASHODI, IZDACI I FINANSIRANJE . . . . .</b>         | <b>681.231.000</b> |